

1538.

Derogatio  
contrariorum

PP. subfer.

incurrere, etiam si de supradictis literis Julii Prædecessoris nullo modo constet.

§. 3. Non obstantibus præmissis, ac Constitutionibus Apostolicis, necnon omnibus illis, quæ idem Prædecessor in dictis literis voluit non obstare, ceterisque contrariis quibuscumque.

Placet, & ita innovamus, & inhibemus. A.

XXII.

Jurisdictionis, & facultates Archipresbyteri, & Judicis Causarum Capituli, Canonico- rum, & aliarum personarum Ecclesiæ B. Mariæ Majoris de Urbe, & habitato- rum in illius Franco.

PAULUS PAPA III.

Motu proprio &c.

Jurisdictionis co-  
gnoscen. cau-  
sis Capituli  
summarie &c.

CUM sicut accepimus ad parcendum sumptibus, ac expensis colligantium, & ne dilecti filii Canonici, & Capitulum, ac perpetui Cappellani Venerabilis Ecclesiæ S. Mariæ Majoris de Urbe, pro rebus, ac negociis dictæ Ecclesiæ coram diversis Judicibus litigare, & conveniri contingat, & lites quascumque præsentis, ac futuras, tam contra ipsos, quam per eosdem motas, & movendas, per alias nostras literas, quas & illarum tenores pro expressis habere volumus, bon. mem. D. Paulo de Casis dum viveret S. R. E. Cardinali prædictæ Basilicæ Archipresbytero commiserimus, & propterea, ut creditur, dilectum filium nostrum, secundum carnem Nepotem R. D. Alexandrum Cardinalem Farnesium vulgariter nuncupatum, tamquam dictæ Ecclesiæ modernum Archipresbyterum in causis hujusmodi, etiam Judicem existere, ad omne dubium tollendum, ac dictæ Ecclesiæ, & aliis consulendum, Motu simili, & ex certa nostra scientia, ac de Sedis Apostolicæ potestatis plenitudine, omnes, & singulas causas inter dictos Canonicos, & Capitulum, ac Cappellanos respectivo, seu quemlibet eorum ex una, & quascumque alias personas, coram quibuscumque Judicibus Ordinariis, ac extraordinariis, Commissariis, & executoribus, etiam S. R. E. Cardinalibus, & Rotæ Auditoribus, & Locatenentibus, super quibuscumque rebus, bonis, ac pecuniarum summis, verten., & penden. partibus ex altera, ad Nos penitus advocantes, illamque, & illas quatenus etiam opus sit denuo inchoatas, & inchoandas, ac quascumque alias causas civiles, & criminales, ac mixtas, per prædictos Canonicos, ac Capitulum, & Cappellanos, seu eorum quemlibet, contra quascumque personas, quovis nomine nuncupatas, Collegium, & Capitulum, ac Universitatem respectivo, motas, & movendas, & sic active, & passive, super quibuscumque pecuniarum summis, censibus, Canonibus, responsionibus, rebus, & bonis, ad quamcumque summam pecuniarum, numerum, & quantitatem, ac valorem af-

cenden. rebusque aliis in actis causæ, & causarum hujusmodi latius deductis, & deducen., & illorum occasione, cum omnibus, & singulis suis incident., dependen., & emergen. annexis, & connexis eidem R. D. Alexandro moderno Archipresbytero, tam conjunctim, quam divisim, summarie, simpliciter, & de plano, sine strepitu, & figura judicii, sola facti veritate inspecta, ac quatenus opus sit, executive, & manu regia, absque terminorum substantialium, & alicujus tela judiciaria observatione, sine confectioe regestri, sive extractus, quacumque appellatione postposita, audiendi, cognoscendi, decidendi, sineque debito terminandi, tenore presentium de novo constituimus, ac mandamus.

§. 1. Cum potestate dictas partes respectivo, & omnes alios, quos opus fuerit, & sua communiter, vel divisim interesse, etiam in executione citationis nominan. in Romana Curia, ac extra eam, etiam per edictum publicum, constito summarie, & extrajudicialiter de non tuto accessu citandi: ac eisdem omnibus, & singulis, etiam Judicibus superscriptis, ac quibus, & quoties opus fuerit, etiam sub censuris Ecclesiasticis, & pecuniariis poenis suo arbitrio moderandis, & applicandis, etiam per simile edictum inhibendi; & in eventum non partitionis, poenas, ac censuras prædictas damnabiliter incurrisse declarandi, aggravandi, & reagravandi, & brachii secularis auxilium invocandi, locove sententiæ, seu sententiarum proferendarum, mandata executiva, in forma solita, & consueta decernendi, illudque, vel illa, & quicquid per te judicatum fuerit exequendi, expensasque taxandi, ac moderandi, omniaque alia, & singula faciendi, gerendi, & exercendi, in præmissis necessaria, seu quomodolibet opportuna.

§. 2. Non obstantibus præmissis, Constitutionibus, & ordinationibus Apostolicis, stylo Palatii, regula Cancellariæ Apostolicæ prohiben. mandata aliter quam sub plumbo expediri posse, facultatibus, & jurisdictionibus supradictis, sub quavis verborum forma, etiam clausulis urgentissimis per Nos forsan concessis, & innovatis, quas, seu illorum tenores, ac si de verbo ad verbum specialis hic mentio facta foret, pro expressis haberi volumus, ceterisque contrariis quibuscumque. Statum, & merita causæ, & causarum hujusmodi, & nomina, ac cognomina, & qualitates partium, & personarum prædictarum, necnon dictorum Collegii, Capituli, & Universitatis, præmissorumque omnium, & aliorum de necessitate exprimendorum tenores, pro plene, ac sufficienter expressis habentes.

§. 3. Et quod presentium sola signatura sufficiat, & ubique fidem faciat.

Fiat Motu proprio. A.

Et quod presentis nostri Motus proprii sola signatura sufficiat, & ubique in judicio, & extra illud fidem faciat, regula in contrarium edita non obstan., & literæ expediuntur sub plumbo.

Fiat A.  
Datum

1538.

Cicandique  
in Curia, &  
extra, inhi-  
bendi &c.

Clausula de-  
rogatorie.

Sola signatu-  
ra sufficiat.

1538.

D. P. An. V.  
23. Novemb.  
Causæ ab Ar-  
chipsbytero  
non avocan-  
tur.

163

1538.

Datum Romæ apud S. Petrum, nono Kalen. Decembris Anno V.

§. 4. Beatissime Pater. Quoniam super præmissis commissionibus causarum in Urbe numquam literas sub plumbo expediri solitum fuit, sed solam signaturam semper sufficere compertum extitit, neque etiam tempore prædicti Rev. Card. de Casis, super dicta commissione sibi facta, fuere alias dictæ literæ expedita, necnon ad obvian. fraudibus, & malitiis colligantium, qui in causis hujusmodi nullum jus haben., ut illas immortales faciant, ac partes, variis sumptibus, & expensis defatigent, confictis quibusdam falsis causis, & imaginariis suspicionibus, hujusmodi causas, a Reverendissimo Moderno Archipresbytero forte avocare curarent, idcirco ad preces præfatorum Canonico- rum, ac Capituli, & Cappellanorum placet eidem Rev. Moderno Archipresbytero committere, & mandare, ut in omnibus causis supradictis, juxta tenorem præinsertæ in omnibus firmæ remanentis, perinde, ac si absque illorum verborum insertione, videlicet (& quod literæ sub plumbo expeditantur,) signata foret procedere, illasque expedire, & terminare, possit, & valeat: Necnon concedere, ut præmissarum causarum avocationes a prædicto Reverendissimo Moderno Archipresbytero, seu aliquo ex ejus successoribus (si illas forsan fieri contigerit) sint nullius roboris, & momenti, nisi de præmissis omnibus, & singulis in præinserta contentis, eorumque toto tenore, de verbo ad verbum, & non per clausulas generales, nec etiam derogatorias, & derogatoriarum derogatorias, specialis, & individua mentio facta, ac manu S. V. per Fiat, & Motu proprio, specialiter signata fuerit, & ipso R. D. Archipresbytero, & prædictis Canonice specialiter citatis. Præmissis, ceterisque in contrarium facientibus non obstantibus.

Fiat. A.

§. 5. Pater Clementissime. Cum ex tenore primo loco præinsertæ dignosci videatur, etiam causæ instrumentales, seu quæ ex obligationibus etiam in forma Camera exoriri possunt, in eadem præinserta incluse, seu comprehense, attamen ut omnis penitus dubietas tollatur, & ne etiam causarum hujusmodi, præsertim censualium, aut alias supradictæ Ecclesiæ interesse tangentium, propter supervenientiam quodcumque seriarum expeditio retardetur, supplican. humiliter Oratores prædicti, quatenus prædicto R. Moderno Archipresbytero, sive ejus subdelegato, committere, & mandare, ut in causis hujusmodi, respectivo, juxta formam primæ insertæ, ac etiam secundum facultatem in similibus A. C. concessas, singulis diebus etiam feriatis præterquam in honorem Dei, perinde procedere, illasque terminare, & decidere, prout ac si de eisdem, in eadem primo præinserta, specialis mentio facta foret, possit, & valeat.

§. 6. Et si alicui alteri Judici per eandem S. V. in secunda instantia contra Orato-

Bull. Rom. Tom. IV. Par. I.

Feris non ob-  
stant in causis  
appellationis.

res, causa alicujus præsentis appellationis commissa foret, de & super rebus, & bonis ad dictam Ecclesiam spectant. tunc etiam, ut supradictis feris non obstantibus, ad expeditionem causæ, & causarum hujusmodi, procedi possit, quemadmodum ante jurisdictionem dictarum feriarum, procedi potuisset.

§. 7. Et ne causarum locorum dependentium a dicta Basilica expeditio retardetur, ad Ecclesias etiam SS. Potentianæ, & Eufemiæ, supradicto Archipresbyteratui unitas, & accessorias: Necnon ad omnes habitatores existentes in Franco supradictæ Ecclesiæ, qui ex causa hujusmodi, & ob eorum paupertatem certis exemptionibus fruuntur, ut ab expensis, & litium anfractibus subleventur, tamquam illius membra dependentia, porrigatur, & extendatur, concedere, & largiri dignetur.

§. 8. Non obstantibus præmissis, alias in omnibus firmis remanentibus, prædictisque obligationibus juratis, & in forma Camera celebratis, feris indictis, & etiam indicendis, & ceteris aliis in contrarium facientibus quibuscumque. Et quod super præmissis omnibus, & singulis literæ sub plumbo expediri possint. Statum, & merita causarum, & omnium, ac singulorum præmissorum, nomina, & cognomina Judicum, & colligantium, obligationum formas, causas, bona, resignationes, confirmationes dictorum bonorum, omniumque aliorum hic de necessitate exprim. tenores pro sufficienter expressis habent.

De mandato D. N. Pape idem R. D. Cardinalis, & alii Judices procedant, ut petitur feris non obstantibus.

Placet. A.

§. 9. Beatissime Pater. Quamvis credatur, quod R. D. Guido Afcanius qui nunc supradictæ Basilicæ Archipresbyter existit in vim præinsertæ, quo ad omnia, & singula, etiam judicia executiva, prout poterat prædictus R. Cardinalis Farnesius, procedere, facere, & exequi possit, tamen ut omnis hæsitatio, & dubietas tollatur, & ut ne magis suo, quam R. Cardinalis Farnesii tempore, tam Canonici, & Capitulum, quam omnes alii, & singuli Oratores prædicti, per diversa Tribunaia distrahantur, Sanctitati Vestre humiliter supplicant Oratores prædicti, quatenus, eidem R. D. Guidoni Afcanio Moderno Archipresbytero committere, & mandare dignetur, ut in omnibus, & singulis supradictis, & omnibus, & per omnia, perinde ac si eadem præinsertæ sibi directe, ac per Dominationem suam Reverendissimam impetratæ fuissent, partibus justitiam ministrando procedat contra quoscumque, quomodolibet privilegiatos, & exemptos, etiam Religiosos, ac etiam tam ratione Beneficiorum, & censuum, quam pensionum, & responsionum vini ad Oratores respectivo quomodolibet spectan. & pertinen. ac alia quacumque occasione, vel causa, etiam si de eorum totis tenoribus hic habenda foret mentio specialis.

§. 10. Cum potestate citandi, & inhibendi,

Indictio se-  
extedit etiam  
ad habitantes  
in Franco.

Clausula de-  
rogatorie.

Pape subfcri-  
ptio.

Jurisdictionis se-  
extedit etiam  
contra quos-  
cumque Reli-  
giosos, & pri-  
vilegiatos.

1538. Penitentiarum per Archiepiscopos byterum in dicta Basilica deputantur.

bendi, necnon a censuris, & penis Ecclesiasticis quatenus oportuerit, absolvendi, Penitentiarum etiam ad audiendum confessiones, sufficientes, & idoneos, ac timorate conscientie, supradictae Basilicae deputandi, alios etiam si in illa de presenti existerent, prout sibi videbitur, amovendi, & expellendi, omniaque alia, & singula faciendi, exercendi, & exequendi in praemissis necessaria, & opportuna.

Quibuscumque non obstantibus.

§.11. Non obstantibus praemissis Constitutionibus, & Ordinationibus Apostolicis, stylo Palatii, privilegiis, & exemptionibus, cum quibuscumque clausulis, etiam fortissimis, & derogatoriis derogatoriis; etiam in vim Motus proprii, seu alias quomodolibet concessis, ceterisque aliis quibuscumque. Et quod super praemissis omnibus, & singulis literis sub plumbo, ut supra expediti possint.

Papae subscriptione.

De mandato D. N. Papae, audiat Idem R. D. Cardinalis, citet, absolvat, deputet, & procedat, ut petitur.

XXIII.

Ex Monasterio Bullavio Carmelit. Par. II. p. 77.

Confirmat Constitutiones Leonis X., & Clementis VII. contra Fratres Ordinis Carmelitarum extra claustra divagantes, & Gradus, vel Ordines absque licentia Sedis Apostolicae, & suorum Praelatorum accipientes.

PAULUS PAPA III.

Ad perpetuam rei memoriam.

Exordium.

EX clementi Apostolicae Sedis provisione, necnon personarum Deo devotum praefertim sub regulari castimonia Domino militantium pia devotione provenire dignoscitur ut Romanus Pontifex, quandoque per Praedecessores suos Romanos Pontifices pro Religionis conservatione, & augmento, ac personarum eorumdem quiete, & commodo concessa approbet, & innovet, ac approbata, & innovata Apostolica auctoritate communiat, aliaque de novo disponat, prout in Domino conspicit salubriter expedire.

Sub fidei locibus nonnulli hujus Ordinis Fratres extra claustra divagantur.

§.1. Dudum siquidem per fel. rec. Leonem Papam X. Praedecessorem nostrum accepto, quod licet tam secundum Canonicas Sanctiones, quam Ordinis Fratrum Gloriosissima Dei Genitricis semper Virginis Mariae de Monte Carmelo regularia instituta Fratres Ordinis hujusmodi, quacumque causa etiam studii, seu alia occasione a Domibus dicti Ordinis, absque licentia suorum Superiorum, vel post ejusdem licentiae revocationem extra Domos easdem morari non possent; Nihilominus nonnulli ex dicti Ordinis Fratribus egritudines corporum, aut animorum simulantes, alii subveniendi eorum parentum inopia colore quaesito, alii vero ad studiorum universitates absque licentia Superiorum hujusmodi, seu dicta licentia revocata accedere, & inibi morari, & quod deterius erat, privilegiis Uni-

versitatibus hujusmodi, illarumque scholaribus concessis, ut liberius in sua damnata praesumptione permanerent, se tueri; Alii vero propriae salutis obliti, Apostolicas, in quibus se professionem, aut nunquam, aut intra pubertatis annos, seu per vim, & metum fecisse asserentes, literas impetrasse, ac habitu abjecto, per habitacula secularium personarum, & loca inhonesta discurrendo, cum Laicis conversari non verebantur; Alii vero sub praetextu habilitatis, seu dispensationis ad obtinendum Beneficium, seu Beneficia, Ecclesiasticum, seu Ecclesiastica per Clericos Seculares obtineri solitum, vel solita per literas Apostolicas sibi concessas; Nonnulli autem alicujus ex S. R. E. Cardinalibus pro tempore existentibus vel alicujus nobilis a Sede Apostolica privilegiati Capellaniae, vel familiaritatis literas exhibentes, laxatis habenis extra Ordinem, & obedientiam suorum Praelatorum, in parentum, vel consanguineorum domibus, aut alias extra d. Ordinis Domos morari, & permanere, & Beneficiis Ecclesiasticis pro Cappellanis deservire, & per Saeculum vagari praesumerent, non sine animarum suarum pernicie, & Religionis vituperio, & contemptu, ac populorum scandalo.

Leo X. hujusmodi divagationes prohibuit.

§.2. Dicitur Praedecessor motu proprio, & ex certa scientia, quod ex tunc de cetero perpetuis futuris temporibus Fratres praedicti aegritudinis, aut subveniendi parentum inopia, seu quavis alia occasione, vel causa etiam studii, aut dispensationis ad obtinendum Beneficia Ecclesiastica, ipsius Praedecessoris, seu quavis alia auctoritate sibi concessa, nisi beneficium ipsum forent canonice actu assecuti, aut familiaritatis, seu Cappellaniae alicujus ex DD. Cardinalibus, vel cujuscumque privilegiati a Sede Apostolica Nobilis, praeterquam si actu continui commensales forent eorumdem Cardinalium extra praedictum Ordinem praeter, vel absque licentia Magistri Generalis, & illa durante, & de licentia Sedis Apostolicae praedictae, etiam praetextu quacumque facultatum, indulgentiarum, & aliarum literarum Apostolicarum quibusvis Universitatibus concessarum commorari non possint.

Divagantes autem per Provinciales Ordinis praedicti statuuntur quibuscumque non obstantibus.

§.3. Quodquod unusquisque Priorum Provincialium Ordinis in sua Provincia, dum, & quoties foret, Fratres extra Ordinem praedictum, quavis occasione, vel causa commorantes, ad Ordinem redire cogere, & compellere possent, per quosdam statuit, & ordinavit. De illis vero, qui se professionem nunquam, aut intra pubertatis annos, vel per vim, aut metum emisissent asserentes, Apostolicas, vel a Penitentiarum nostrae, tunc sua, literas obtinuerant, aut obtenturi essent praefatis Prioribus Provincialibus commisit, ut nisi ad aliam Religionem, in qua actu regularis vita observaretur, transirent, non obstantibus literis Apostolicis, vel Penitentiarum praedictae, & processibus desuper habitis, vel habendis, quas dictus Praedecessor eis, etiam si vera narrassent, nonnulli in

si in foro conscientiae, & nullo modo contra Religionis suae jura, & consuetudines suffragari voluit, ad Ordinem, & Ordinis loca revocarent, Bullas, & processus auferrent, habitum relicto resumere, & penitentiam subire cogere, invocato etiam ad hoc, si opus foret, auxilio brachii secularis; Qui nisi eisdem Prioribus Provincialibus parerent, & infra octo dies mandatis eorum proximos habitum perpetuo gestandum reassumerent, excommunicationis latae sententiae poenam incurrerent, a qua per solum Romanum Pontificem, aut Magistrum Generalem dicti Ordinis, nisi in mortis articulo, absolvi possent. Et similiter statuit, & ordinavit, quod in quibuscumque literis ad ipsorum Fratrum instantiam, sive sub annulo Piscatoris, aut sub plumbo, vel per Penitentiarum super praemissorum aliquo inobedientiae regularis derogationem etiam super quibusvis supplicationibus ab ipso Praedecessore, aut Romano Pontifice quomodocumque ex tunc in perpetuum impetrandis semper, & indifferenter subintelligi deberet, etiam si apposita non foret clausula hujusmodi, & de licentia Superioris, & ea durante; decernens literas praedictas hujusmodi clausula carentes nullas, nulliusque roboris, vel momenti fore, neque literis praedictis derogari posse, nisi motu, & scientia supradictis; districtius inhibens locorum Ordinaris subterdicti, ingressus Ecclesiae, & suspensionis a regimine, & administratione suarum Ecclesiarum, necnon Universitatibus, Rectoribus, & illarum Conservatoribus, Parochialiumque Ecclesiarum Rectoribus, & aliis quibuscumque sub excommunicationis latae sententiae, ac privationis eorumdem Parochialium Ecclesiarum, ac omnium aliorum Beneficiorum Ecclesiasticorum, quae obtinebant, necnon inhabilitatis ad illa, & alia obtinenda, poenis eo ipso, si contrafacerent, incurrendis, ac ipsos Priores, quominus Fratres dicti Ordinis sub indulgentiarum, exemptionum, gratiarum, & literarum Apostolicarum praedictarum specie extra Domos, & obedientiam eorum vagantes capere, & apprehendere etiam violenter, illos ad domos, & loca, unde recesserant, reducere, & carceribus mancipare valerent quovis modo per se, vel alium, seu alios directe, vel indirecte impedire praesumerent.

Leonis Constitutionem confirmavit Clemens VII.

§.4. Et deinde pro parte dilecti filii Nicolai Audei Prioris Generalis dicti Ordinis pia mem. Clementi Papae VII. etiam Praedecessori nostro exposito, quod nonnulli ex dictis Fratribus, habitum Regularem Sancti Benedicti, alii vero Sancti Ambrosii, & Humiliatorum, aliqui autem aliorum Ordinum suscipiebant, & sub praetextu delationis talis habitus intra loca Religiosa per saeculum vagando, & cum secularibus conversando, non sine Religionis opprobrio moram trahebant, ac etiam continebat sepius, ut Fratres Ordinis Carmelitarum hujusmodi Ordinem ipsum, ac illius Conventus, & Domos, ut praefertur, seu alias

exeuntes, res, & bona per eos, seu eorum medio in eorum Ordine Carmelitarum, ac illius Conventibus, & Domibus, in quibus Ordinem ipsum professi fuerant, seu degerant acquisita, vel possessa secum deferrent, & asportarent in Ordine Carmelitarum, & Conventuum, & Dolorum hujusmodi iacturam, & detrimentum: praefatus Clemens Praedecessor per alias suas, literas Leonis Praedecessoris hujusmodi, & in eis contenta quacumque approbavit, & innovavit, ac plena roboris firmitate subsistere decrevit, ac praemissa omnia, prout per dictum Leonem Praedecessorem statuta, ordinata, & decreta fuerunt de novo.

Statuit etiam Carmelitis ad alios Ordines transirentibus non licere ad hos bona in priorum Ordine acquisita asportare.

§.5. Quodque de cetero nulli dicti Ordinis professores cujuscumque gradus, vel conditionis existentes, qui Ordinem, & illius Conventus, & domos hujusmodi, ut ad alios Ordines se transferrent, vel alia quavis de causa, etiam de speciali dictae Sedis licentia exirent, etiam si ad Cathedralium Ecclesiarum regimina assumpti forent, aliqua res, vel bona, quae in Ordine, ac Conventibus, & Domibus hujusmodi quomodolibet acquisiverant, seu possederant, cujuscumque qualitates forent, secum deferre, aut inde asportare quomodocumque possent, sed illa Ordini, Conventibus, & Domibus hujusmodi, a quibus decesserant, relinquere astricti forent, & tam illi ad illa relinquendum, quam etiam omnes, & singuli, qui eatenus Ordinem, & Conventus, ac Domos quomodocumque, etiam quacumque facultate dictae Sedis Apostolicae eis desuper suffragante exiverant, ad res, & bona per eos inde asportata restituendum, & reddendum, necnon quoscumque ejusdem Ordinis Carmelitarum Professores extra Ordinem ipsum, & ejus loca, & etiam praetextu, quod ad alios Ordines se transfererent, & habitum aliorum Ordinum hujusmodi deferrent, in saeculo pro tempore degentes ad redeundum ad dictum Ordinem Carmelitarum, & illius habitum reassumendum, etiam quibus licentis, concessionibus, & gratiis eisdem Fratribus sic in saeculo permanentibus per Abbates, seu quoscumque alios Superiores aliorum Ordinum hujusmodi, & quacumque auctoritate, seu dignitate fungentes eis desuper concessis, quas illis, nisi actu loca Monasteria ingrederentur, & in eis regulariter viverent, nullatenus suffragari decrevit, nequaquam obstantibus per censuras, & poenas Ecclesiasticas, ac alia opportuna juris remedia, sublato quovis appellacionis obstaculo, etiam per ipsum Nicolaum, & pro tempore existentem dicti Ordinis Priorem Generalem cogi, & compelli possent, etiam statuit, ordinavit, ac illis etiam per quoscumque, per quavis literas, etiam derogatoriis derogatorias, efficaciores, & insolitas clausulas in se continentibus, derogari non posse, nec derogatum censeri, nisi illarum tenor de verbo ad verbum, & nihil penitus omisso, insertus, ac hujusmodi derogatio praedicta Nicolao, & pro tempore existentem Generali Priori per diversas literas intimata foret, & si aliter dero-

Formam autem suas publicandi literas, & reducendi vagantes ad sua Claustra prescribit.

derogaretur, derogatio huiusmodi nemini suffragari; & sic per quoscumque Judices, sublata quavis aliter iudicandi, & interpretandi facultate, & auctoritate iudicari, & definiri debere, ac quicquid fecus attentari contigerit, irritum, & inane fore decrevit.

§.6. Necnon per eundem Clementem Prædecessorem accepto, quod postmodum aliqui ipsius Ordinis Fratres diversas alias literas variis viis cum primodictarum literarum derogatione subreptitæ, & obreptitæ obtinuerant, sub quarum clypeo, habitu ipsius Ordinis deposito vagabantur in seculo: Aliqui vero post reformationem dicti Ordinis ab ipso Nicolao Priore factam, se in vita reformatam remanere non posse, licet, falso asserentes, ab eadem Sede in dicto Ordine manendi, & prout ante reformationem consueverant, vivendi licentiam extortam, lucris, & pecuniis propriis insisterent. Aliqui etiam ex particularibus Congregationibus dicti Ordinis quasi privilegiati, cum licentia Vicariorum ipsarum Congregationum, extra Conventus Ordinis prædicti in seculo residentes, Ordinem prædictum non parum diffamabant, nonnulli vero ex dictis Fratribus, qui se Poenitentiariorum Apostolicos a dicta Sede deputari obtinuerant, non solum Ecclesiis, in quibus ad Officium Poenitentiarie exercendum erant deputati, sed etiam in Ecclesiis dicti Ordinis officium huiusmodi, tamquam tales, & quasi a Superiore exempti exercebant in grave animarum distorum Fratrum præiudicium, dicti Ordinis denigrationem, reformationis, & Regularis vite perturbationem, Christianidelium scandalum, ac malum, & perniciosum exemplum: præfatus Clemens Prædecessor per reliquas suas in forma Brevis literas, ejus primodictas literas confirmans, & innovans, ac quatenus opus esset, etiam de novo concedens, eidem Nicolao Priori in virtute sanctæ obedientie commisit, & mandavit: ut omnes, & singulos Fratres prædictos in Domibus dicti Ordinis commorantes per afflictionem literarum prædictarum in valvis Monasteriorum, seu Domorum, in quibus habitabant in genere, alios vero extra Ordinem vagantes per specialem, & personalem earundem præsentium intimationem moneant, ut intra mensem ex tunc computandum, qui ex ipsis Fratribus extra loca dicti Ordinis vagarentur, ad ipsius Nicolai Prioris, & aliorum Superiorum suorum obedientiam iuxta tenorem literarum prædictarum redirent. Dispensati vero ad vivendum, sicut ante reformationem huiusmodi consueverant, ad observantiam Regularem redirent, & cum Fratribus Reformatis se conformarent. Degentes vero extra Conventus Ordinis, & in seculo cum licentia Vicariorum Congregationis ejusdem ad Conventus dicti Ordinis revertentur. Deputati vero in Poenitentiariorum, in Ecclesiis dicti Ordinis officium Poenitentiariorum absque sui Superioris licentia non exercerent, & illi, quos si ad Ordinem redierint, scandalum in Religione parituros ipse Nicolaus Prior cognosceret, & propterea extra

Ordinem relinquendos eos duceret, pallio nigro, ut a ceteris Fratribus distinguerentur, & non albo uti deberent, auctoritate Apostolica inhiberet, & tam eos, quam supradictos Fratres, & alios, qui monitionibus Nicolai Prioris huiusmodi non parerent, etiam per censuras Ecclesiasticas, & alia opportuna remedia, appellatione postposita, compescere, ac brachii Secularis auxilium ad id invocare posset, & valerent, facultatem concessit, prout in singulis literis prædictis plenius continetur.

§.7. Cum autem sicut exhibita Nobis nuper pro parte dicti Nicolai Prioris petitio continebat; causæ propter quas singule prædictæ literæ ad Prædecessores emanaverant, adhuc subsint, & licet secundum regularia instituta dicti Ordinis Fratres præfati extra Ordinem prædictum ad aliquem gradum absque licentia suorum Superiorum se promoveri facere non possint: tamen, nonnulli, ex dictis Fratribus Baccalaureatus, & Magisterii, aliosque gradus in diversis facultatibus absque dicta licentia, vel extra eundem Ordinem suscipere. Alii vero propriae salutis oblitii ad sacros etiam, Presbyteratus Ordines aetate legitima, vel sufficientia eis minime suffragante, se promoveri facere, reliqui vero Fratres huiusmodi propter eorum demerita, & regularis vite perturbationem extra eorum, seu dicti Ordinis domos expulsi, non sine Religionis vituperio, & contemptu, populorum scandalo diversis viis & mediis ad Ordinem, & domos prædictas contra totius Ordinis voluntatem redire procurant: pro parte ejusdem Nicolai Prioris Nobis fuit humiliter supplicatum, ut literis prædictis nostræ approbationis robur adicere, aliasque in præmissis opportune providere de benignitate Apostolica dignaremur.

§.8. Nos igitur dicti Ordinis, quem præceteris in visceribus gerimus charitatis, prosperum, & tranquillum statum, animarum salutem paterno zelantes affectu, & singularum literarum prædictarum veteriores tenores, ac si de verbo ad verbum infererentur præsentibus, pro sufficienter expressis, & insertis habentes, huiusmodi supplicationibus inclinati, statuta, ordinationes, Decreta, inhibitiones, mandata approbationem, & innovationem, ac cum omnibus, & singulis in eis contentis clausulis desuper confectas literas Leonis, & Clementis Prædecessorum huiusmodi, auctoritate Apostolica, tenore præsentium, ex certa scientia approbamus, & innovamus, ac perpetuæ firmitatis robur obinere, & firmiter observari debere decernimus.

§.9. Et nihilominus potiori pro cautela præmissa omnia de novo, quodque de cetero perpetuis futuris temporibus Fratres prædicti etiam prætextu quarumcumque facultatum, indultorum, & literarum Apostolicarum sub quibuscumque tenoribus, & formis ac cum quibusvis derogatoriis, derogatoriis, aliisque efficacioribus, & insolitis clausulis irritantibus, & aliis Decretis

Idem vero sufficientibus motus.

Dictas Leonis, & Clementis Constitutiones confirmat Paulus III.

Prohibet huiusmodi Fratres ad quemcumque Gradum, & Ordines promoveri.

tis concessorum, Bachalaureatus, Magisterii, Jubilatus, seu licentiatu, & alios quarumcumque facultatum gradus extra dictum Ordinem, & absque licentia huiusmodi suscipere, seu ad illos, & ad Presbyteratus, & alios sacros Ordines se promoveri facere minime possint, ac propter eorum demerita, seu alias a Domibus, & Ordine prædictis expulsi ad illos quovis modo reverti, nequeant: Et si qui forsitan ex Fratribus præfatis ad gradus, aut ad Ordines huiusmodi promoti fuerint, eorum privilegii uti nullatenus valeant, & pro non promotis habeantur, statuimus, & ordinamus: ac quacumque susceptiones, & ad gradus, ac Ordines huiusmodi promotiones, ut præfertur, etiam prætextu facultatum, & indultorum, ac literarum prædictarum, seu alias factas, & faciendas, nullas, & invalidas, ac nullius roboris, vel momenti fore, nec eis, in quorum favorem factæ, & concessæ fuerint, suffragari debere decernimus, & declaramus.

§.10. Mandantes nihilominus universis, & singulis Patriarchis, Archiepiscopis, Episcopis, Abbatibus, & in dignitate Ecclesiastica constitutis personis, necnon quarumcumque Metropolitanarum, & aliarum Cathedralium Ecclesiarum Canonicis, ipsorumque Patriarcharum, Archiepiscoporum, & Episcoporum Vicariis, & Officialibus ubilibet constitutis: quatenus omnes, & eorum quilibet, quoties pro parte Nicolai, ac pro tempore existentis Prioris generalis huiusmodi fuerint requisiti, similiter in præmissis consilium, auxilium, & favorem pro viribus impendant, non permitentes eum, & alios dicti Ordinis Superiores contra tenorem præsentium, & singularum aliarum literarum præfatarum aliquo modo turbari, aut impediri, contraditores quolibet, & rebelles per censuras & poenas Ecclesiasticas, ac alia juris remedia, appellatione postposita, compescendo, invocato etiam ad hoc, si opus fuerit, auxilio brachii Secularis.

§.11. Non obstantibus præmissis, ac felicis recordationis Bonifacii PP. VIII. Prædecessoris nostri de una, ac Concilii generalis de duabus dietis dummodo ultra tres dietas aliquis auctoritate præsentium non trahatur, ac aliis Apostolicis, & in Provincialibus, & Synodalibus Conciliis editis generalibus, vel specialibus Constitutionibus, & Ordinationibus, necnon statutis, & consuetudinibus etiam juramento confirmatione Apostolica, vel quavis firmitate, alia roboratis, privilegii quoque, indultis, ac literis Apostolicis per recol. mem. Eugenium Papam IV., & Paulum II., Sixtum, etiam IV., Innocentium VIII., ac per quoscumque Romanos Pontifices Prædecessores nostros, ac Nos, & Sedem Apostolicam dicto Ordini, vel Congregationi etiam Mantuana, & Albiensi concessis, etiam motu, & scientia similibus, ac de Apostolicæ potestatis plenitudine, & cum quibusvis derogatoriis derogatoriis, aliisque efficacioribus, & insolitis clausulis quomodolibet

Derogat contrariis.

etiam pluries concessis, confirmatis, & innovatis, quibus omnibus, etiam pro illorum sufficienti derogatione, de illis eorumque totis tenoribus specialis, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut alia exquisita forma servanda foret, & in eis caveatur expresse, quod illis nullatenus derogari possit, tenores huiusmodi præsentibus pro sufficienter expressis, ac de verbo ad verbum insertis, necnon modis, & formis ad id servandos pro individuo servatis habentes hac vice dumtaxat, illis alias in suo robore permanfuris, harum serie specialiter, & expresse derogamus, necnon omnibus illis, quæ dicti Prædecessores in singulis literis prædictis voluerunt non obstat, ceterisque contrariis quibuscumque, seu si aliquibus communiter, vel divisim ab eadem sit Sede indultum, quod interdici, suspendi, vel excommunicari non possint per literas Apostolicas non facientes plenam & expressam, ac de verbo ad verbum de indulto huiusmodi mentionem.

§.12. Volumus autem, quod præsentium transumptis manu Notarii publici subscriptis, & sigillo alicujus personæ in dignitate Ecclesiastica constitutæ munitis ea prorsus fides adhibeatur, quæ originalibus adhiberetur, si essent exhibitæ, vel ostensæ. Datum Romæ apud S. Petrum sub annulo Piscatoris, die septimo Aprilis 1539. Pontificatus nostri Anno V.

Transumptis credi jubet.

Dat. die 7. Aprilis 1539. An.V.

XXIV.

Approbatio Confraternitatis sub invocatione Sanctissimi Corporis Christi, pro decentiori ejus veneratione in Urbe instituta, Indulgentiarumque largitio, tam pro ea, quam pro aliis Confraternitatibus ubique locorum institutis, & instituentis.

Festivitatem autem Sanctissimi Corporis Christi instituit Urbanus IV. in Const. XIX. Transmissurus. Tom. III. Par. I. fol. 414. ubi notari.

PAULUS PAPA III. SERVUS SERVORUM DEI

Ad perpetuam rei memoriam.

Dominus Noster Iesus Christus transitorius de hoc mundo ad Patrem, in ultima Coena, qua Pascha cum discipulis suis manducavit, admirabile Sacramentum pretiosissimi Corporis, & Sanguinis sui instituit, per quod universi Christiani memoriam suæ caritatis eximie, quam in sua passione, hora ejus appropinquante, ostendit, recolerent. Unde Nos illius vices licet immeriti gerentes in terris, debitum censemus, ut quæ in huius Sacrosancti Sacramenti honorem, & venerationem ex pia Christianidelium devotione digne ordinata comperimus, ut perpetuis futuris temporibus permaneant, prompta devotione, prout

Christus in ultima Coena Sacramentum Euchariæ instituit, ut ipsius fideles suæ eximie caritatis memoriam recolerent.



1539. ubique in-  
tendat, et  
inducit gau-  
dere decernit.  
Hic intellige  
et alique no-  
va aggrega-  
tione, et con-  
cessione: quia  
ita declara-  
vit, ac con-  
greg. card. in  
per Indulgen-  
tias die 15. Fe-  
bruarii 1608.

Clausulas hu-  
jus Constitutio-  
nis appor-  
tavit.

ra exercenda per amplius excitentur, quod omnes, & singule alie Confraternitates sub eadem invocatione Sanctissimi Corporis Christi ubilibet institute, & instituende, eisdem privilegiis, concessionibus, indulgentiis, facultatibus, gratiis, & indultis Confraternitati in Ecclesia de Minerva instituta hujusmodi per Nos concessis, & concedendis utantur, potiantur, & gaudeant, ac uti, potiri, & gaudere possint, & debeant, prefata auctoritate etiam presentium tenore statuimus, & ordinamus.

§.20. Decernentes presentes literas, & in eis contentas indulgentias, & peccatorum remissiones, sub quibusvis revocationibus, suspensionibus, modificationibus similibus vel dissimilibus indulgentiarum, & literarum etiam per Nos, & Successores nostros, ac Cancellarie Apostolicæ regulis pro tempore editis, etiam in favorem fabricæ Basilicæ Principis Apostolorum de eadem Urbe, & Cruciatæ Sanctæ, nullatenus comprehensas, sed ab illis omnino exceptas esse, & censeri. Et sic per quoscumque iudices quavis auctoritate fungentes, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiti debere, ac quicquid fecus attentari contigerit, irritum, & inane. Nec non presentium transumptis manu Notarii publici subscriptis, & sigillo alicujus Curie Ecclesiasticæ, seu personæ in dignitate Ecclesiastica constitutæ munitis, eandem proferri fidem, & in iudicio, & extra adhibendam fore, quæ eisdem presentibus adhiberetur, si forent exhibitæ, vel ostensa.

Executores-  
que d. Con-  
stitutionis de-  
putat.

§.21. Quocirca venerab. Fratribus nostris universis, Patriarchis, Archiepiscopis, & Episcopis, ac dilectis filiis Abbatibus, & aliis personis in dignitate Ecclesiastica constitutis, necnon Metropolitanis, & aliarum Cathedralium Ecclesiarum Canonis, ac eorumdem Patriarcarum, Archiepiscoporum, & Episcoporum Vicariis in spiritualibus, & Officialibus generalibus ubilibet constitutis, per Apostol. scripta mandamus, quatenus ipsi, vel duo, aut unus eorum, per se, vel alium, seu alios, presentes literas, & in eis contenta quæcumque ubi & quando opus fuerit, ac quoties pro parte Confratrum Confraternitatis Sacratissimi Corporis Christi in Ecclesia de Minerva instituta hujusmodi pro tempore existentium, desuper fuerint requisiti, solemniter publicantes, eisque in præmissis efficacis defensionis præsidio assistentes, faciant presentes literas, & in eis contenta hujusmodi firmiter observari, ipsosque Confratres illis pacifice gaudere. Non permittentes eos desuper per quoscumque contra presentium tenorem quomodolibet molestari. Contradictores quolibet, & rebelles, per censuras & penas Ecclesiasticas appellatione postposita compescendo. Ac quoscumque sua interesse putantes, etiam per edictum publicum locis publicis assignandum, confuto summarie de novo tuto ad eos accessu, citando, ac illis necnon aliis, quibus, & quo-

ties opus fuerit, inhibendo, censurasque, & penas ipsas etiam iteratis vicibus aggravando, invocato etiam ad hoc, si opus fuerit, auxilio brachii secularis.

§.22. Non obstantibus fel. rec. Bonifacii Papæ VIII. Prædecessoris nostri, qua cavetur, nequis extra suam Civitatem, vel Diocesim ad iudicium evocetur, seu ne iudices a Sede prædicta deputati extra Civitatem, vel Diocesim, in quibus deputati fuerint, contra noscumque procedere, aut aliis vices suas committere præsumant, ac de duabus dietis in Concilio generali edita, dummodo ultra tres dietas aliquis auctoritate presentium ad iudicium non trahatur, & quibusvis aliis Apostolicis, ac in provincialibus, & synodalibus editis generalibus, vel specialibus Constitutionibus, & Ordinationibus, necnon privilegiis, & Apostolicis prædictis, & quibusvis aliis, Ecclesiis, Confraternitatibus, & personis sub quibuscumque tenoribus, & formis, ac quibusvis etiam derogatoriis derogatoriis clausulis, necnon irritantibus, & aliis decretis concessis, approbatis, & innovatis, quibus omnibus illorum tenores, ac si de verbo ad verbum, nil penitus omisso, & forma illis tradita, & observata insererentur, presentibus pro sufficienter expressis habentes, illis alias in suo robore permanentibus, hac vice dumtaxat specialiter, & expresse derogamus, contrariis quibuscumque: Aut si aliquibus, communiter, vel divisim ab eadem sit Sede indultum, quod interdicti, suspendi, vel excommunicari, aut extra, vel ultra certa loca ad iudicium evocari non possint, per literas Apostolicas non facientes plenam & expressam, ac de verbo ad verbum de indulto hujusmodi mentionem.

Clausulas co-  
ratorum do-  
rogatorias ad-  
dic.

Nulli ergo &c.  
Datum Romæ apud Sanctum Petrum Anno Incarnationis Dominicæ 1539. pridie Kalendas Decembris, Pontificatus nostri Anno VI.

D. P. An. VI.  
die 30. No-  
vembri.

XXV.

Innovatio literarum contra Quæstores omnium Hospitalium, & Piorum locorum, & renovatio facultatum eis concessarum, cum prohibitione similes deputandi, nisi de consensu Præfectorum Fabricæ Basilicæ Sancti Petri de Urbe, cui quæstuaræ elemosynæ, & nondum dictis Hospitalibus incorporata applicantur.

Ex Regell. in  
Archivo. Val.

PAULUS PAPA III.

Universis, & singulis presentibus literas inspecturis Salutem, & Apostolicam benedictionem.

§.1. Nuper postquam fere: Clemens Papa VII. Prædecessor noster diversis querelis sibi perlatis providere volens, quasdam suas literas omnia privilegia Sancti Spiritus in Saxia, & Sancti Joannis Lateranen., ac Sancti Jacobi pauperum Incurabilium de Urbe nostra Hospitalibus, & S. Antonii Viennen., & Sancti Sebastiani extra muros

Clemens VII.  
Indulta quæ-  
cumque Quæ-  
stuarum faci-  
endum a Cõ-  
mmissariis Hos-  
pitalium Ur-  
bis suspensæ  
primo, dein-  
de revocavit.

1540.

muros dictæ Urbis Sancti Augustini, & Cisterciens. Ordinibus de Mercede Redemptionis Captivorum per Romanos Pontifices super quæstis faciendis, ac Confratribus describendis, & indulgentiis publicandis concessa, & per eundem Clementem Prædecessorem nostrum confirmata, ex certis causis tunc expressis ad beneplacitum suum primo suspenderit, & Capellas sub invocatione Sancti Sebastiani penitus suppresserat, & deinde idem Prædecessor per alias suas literas in forma Brevis prædictas literas suas confirmaverat, necnon Commissarios, Nuncios, & Quæstores vigore privilegiorum prædictorum constitutos revocaverat, ac omnem facultatem desuper concessam ab Hospitalibus, & aliis prædictis amoverat, & abdicaverat: ac tam quæstas prædictas facere, indulgentias, & alias gratias eis concessas publicare, Confratres describere, ac Confessionalia concedere, quam etiam in casibus Matrimonialibus prohibitis dispensare prohibuerat.

Hujusmodi  
prohibitione  
extenderat  
mox Paulus  
III. ad quæ-  
cumque Hos-  
pitalia, Or-  
dines, Loca  
Pia &c. Fa-  
brica S. Petri  
de Urbe ex-  
cepta: Eccle-  
siarum Præ-  
latis data fa-  
cultate puni-  
di penis Ca-  
nonicis ino-  
bedientes.

§.2. Nosque successive, cum non sine animi nostri displicentia accepissemus, quod nonnulli Hospitalium, Monasteriorum, & aliorum prædictorum, ac etiam Sancti Helmi, Sancti Bovis, Sancti Bernardi, S. Leonardi, & Sanctæ Marthæ, Sanctæ Catharinæ Montis Synai, Sancti Viti, Sanctæ Mariæ dela Heremita, seu aliorum locorum quæstas, & Commissarios quæstas prædictas facere, & alia prædicta exercere non erubescerent, per alias nostras in forma Brevis literas omnibus, & singulis locorum Ordinariis, ut sub excommunicationis, & aliis, de quibus eis videretur, penis, quibuscumque tam Hospitalium, & Monasteriorum, ac Redemptionis Captivorum, & aliorum Sanctorum, & nominum prædictorum Commissariis, Nunciis, & Quæstoribus præmissa fieri inhiherent, & contra talia prohibita exercere præsumentes ad declarationem incursum dictarum penarum procederent, Quæstoribus Fabricæ Basilicæ Principis Apostolorum de Urbe a personis Deum timentibus deputatis dumtaxat exceptis mandaveramus, prout in singulis literis Prædecessoris, & nostris prædictis latius continetur.

Cum inobe-  
dientes adhuc  
aliqui super-  
sint.

§.3. Ad nostram pervenit notitiam, quod nonnulli Quæstores, & Commissarii, tam prædictis, quam aliis forsitan nominibus, vigore privilegiorum prædictorum, & forsitan aliorum etiam a Nobis licet contra mentem nostram emanatorum, tam quæstas facere, quam Indulgentias publicare, & alia, quæ eis concessa fuisse prætendunt, exercere, ac diversas pecuniarum summas, res, & bona exigere, & aliqui super sibi ipsis appropriare non destiterunt.

Quæstas  
pecuniarum, si-  
que respecti-  
vis Hospitali-  
bus, Ordini-  
bus &c. non-  
dem incorpo-  
ratas Basilicæ  
Principis A-  
postolorum ap-  
plicat.

§.4. Nos scandalis, quæ ex præmissis provenire possent occurrere, & de pecuniis, rebus, & bonis hæcenus exactis, quæ Hospitalibus, Monasteriis, & aliis locis facultatem quæstuarum, & alia præmissa exercendi, seu exercere faciendi, habere prætentibus, adhuc incorporata non sunt, gravissimis expensis, etiam quotidianis dictæ Fabricæ, quam nuper per venerabiles fra-

tres Franciscum Alerien. & Philippum Burgi Sancti Sepulchri Episcopos, & dilectum, filium Raphaelem de Casalibus dictæ Fabricæ Præfectos, & Deputatos aggredi fecimus, & dante Domino proficui, & ad finem perducere intendimus, providere volentes, motu proprio, & ex certa scientia, ac de Apostolicæ potestatis plenitudine singulas literas Prædecessoris, & nostras prædictas, illarum tenores presentibus pro sufficienter expressis habentes, harum serie confirmantes, approbantes, & innovantes, firmis tamen semper, & illæis remanentibus omnibus, & singulis privilegiis dictæ Fabricæ, & illius Collegio, & deputatis hæcenus concessis, omnes, & singulas pecuniarum summas, res, & bona ex quæstis, elemosynis, Indulgentiis, & aliis prædictis hæcenus preventis, & penes, tam Hospitalium, Monasteriorum, Redemptionis Captivorum, Sancti Helmi, seu Adhelelmi, Sancti Bovis, Sancti Bernardi, Sancti Leonardi, & Sanctæ Marthæ, Sanctæ Catharinæ Montis Synai, Sancti Viti, Sanctæ Mariæ dela Heremita prædictorum, quam aliorum quorumcumque Hospitalium, Monasteriorum, Ecclesiarum, & locorum piorum quocumque nomine nuncupatorum Quæstorum, Commissarios, Nuncios, Ministros, Thesaurarios, Depositarios, sive alias personas loca, Collegia, & Universitates cujuscumque gradus, conditionis, & dignitatis fuerint, existentia, quæ adhuc Hospitalibus, Monasteriis, & aliis piis locis prædictis cum effectu incorporata non sunt, harum serie dictæ Fabricæ Basilicæ Principis Apostolorum de Urbe, & illius Collegio, & deputatis ad opus, & utilitatem dictæ Fabricæ concedimus, & applicamus, ac pro concessis, & applicatis dictæ Fabricæ haberi volumus.

Amoveret de-  
putatos quos-  
cumque, &  
privilegia que-  
cumque eis  
concessa, pro-  
hibens quæ-  
stas fieri nisi  
de consensu  
Præsidum di-  
ctæ Fabricæ.

§.5. Necnon omnes, & singulos Quæstos, Commissarios, Ministros, Thesaurarios, Depositarios, & alios Officiales per Guardianos, Officiales, & Superiores dictorum Hospitalium, Monasteriorum, Redemptionis Captivorum, & aliorum locorum prædictorum, ac etiam per Prædecessores nostros, & per Nos hæcenus deputatos revocamus, omnesque facultatem, potestatem, & auctoritatem quæstuarum, Indulgentias, & alias gratias publicandi, Confratres describendi, Confessionalia concedendi, in casibus Matrimonialibus prohibitis disponendi, ab homicidiis casualibus, seu voluntariis, ac simoniarum labe absolvendi, & vota commutandi, & forsitan alia exercendi, a Quæstoribus, Commissariis, Ministris, Thesaurariis, Depositariis, & aliis prædictis, necnon a Guardianis, Officialibus, & aliis Superioribus Hospitalium, Monasteriorum, Redemptionis Captivorum, & aliorum locorum prædictorum privilegia, & facultates eos substituendi, & deputandi motu, scientia, & potestate similibus abdicamus, & amovemus: ita quod de cetero perpetuis futuris temporibus Quæstos, Commissarii, Ministri, Thesaurarii, Depositarii, aut alii Officiales ad quæstas hujusmodi exercen. Indulgentias, & alias gratias publican.